



---

Broj: 03/1-50-19-7-8- 8/15  
Sarajevo, 25.8.2015.

**PREDMET: Informacija o održanom Drugom godišnjem sastanku komisija za odbranu i sigurnost zemalja Jugoistočne Evrope, Beograd, 29.6.-1.7.2015.**

U organizaciji Odbora za odbranu i unutrašnje poslove Narodne skupštine Republike Srbije, Regionalnog centra za sigurnosnu saradnju (RACVIAC) i Ženevskog centra za kontrolu oružanih snaga (DCAF), u Beogradu je, od 29.6. do 1.7.2015., održana Druga regionalna konferencija parlamentarnih komisija za odbranu i sigurnost zemalja Jugoistočne Evrope, na kojoj su razmijenjena iskustva i pozitivne prakse o angažiranju parlamentarnih odbora u vanrednim situacijama, s posebnim osvrtom na katastrofalne poplave u regionu Jugoistočne Evrope tokom 2014. godine.

U ime Zajedničke komisije za odbranu i sigurnost BiH, konferenciji su prisustvovali: Sifet Podžić, predsjedavajući, Mario Karamatić, član Komisije, i Ljiljana Milićević, sekretarka.

U ime domaćina, Drugu konferenciju otvorila je predsjednica Odbora za odbranu i unutrašnje poslove Narodne skupštine Republike Srbije Marija Obradović.

U svom obraćanju učesnicima konferencije, predsjedavajući Zajedničke komisije za odbranu i sigurnost Sifet Podžić prezentirao je pozitivne prakse i neposredno angažiranje Zajedničke komisije u nadzoru sektora odbrane i sigurnosti, posebno u dijelu koji se odnosi na pomoć institucija BiH civilnom stanovništvu u slučaju vanrednih situacija i elementarnih nepogoda.

Osim predstavnika parlamentarnih tijela, koji su podsjetili na postojeći pravni okvir i sporazume kojima se definira međusobna saradnja u regionu Jugoistočne Evrope, učesnicima konferencije obratili su se i predstavnici sektora civilne zaštite zemalja regiona i eksperti koji se bave pitanjima voda i poplava, posebno u slivovima rijeka Save i Dunava.

U radu ovog skupa učestvovala su parlamentarne delegacije i eksperti iz Slovenije, Hrvatske, Srbije, Makedonije, Crne Gore, Albanije, Austrije, Rumunije, Turske i Bosne i Hercegovine

PREDSJEDAVAJUĆI KOMISIJE

**Sifet Podžić**

Dostavljeno:

- naslovu
- a/a